

**Mál nr. 101/2020****M og  
V1 v/ ábyrgðartryggingar bifreiðarinnar A og  
V2 v/ ábyrgðartryggingar bifreiðarinnar B****Áræktur á Gullinbrú í Reykjavík þann 17.12.2019.****Gögn.**

Málskot, móttækið 19.3.2020, ásamt fylgigögnum.

Bréf V, dags. 2.4.2020, ásamt fylgigögnum.

**Málsatvik.**

Bifreiðunum A og B var ekið suður Gullinbrú í átt að Höfðabakka og var A ekið á hægri akrein og B á vinstri akrein. Árækturinn varð laust eftir kl. 9 að morgni. Samkvæmt skýrslu sem gerð var á vettvangi um árækturinn kemur fram að bjart hafi verið að degi og færi hált.

Ökumaður A kvaðst vegna umferðar, sem fór hægt á hægri akreininni framundan, hafa ákveðið að skipta yfir á vinstri akreinina. Hafi hann gefið stefnumerki til vinstri, litið í hliðarspegil en enga bifreið séð á vinstri akreininni og ekið yfir á þá akrein. Þá hafi B verið ekið í hlið A. M kveður B hafa verið ljóslaus og því til staðfestingar hefur hann lagt fram ljósmyndir af B, sem teknar hafi verið á vettvangi og sýni að B hafi verið ljóslaus.

Ökumaður B kvaðst hafa ekið á vinstri akrein þegar A hafi verið ekið yfir á vinstri akrein í veg fyrir B. Hafi B þá verið ekið í hlið A. Hann kvaðst ekki hafa náð að hemla áður en áræktur varð en sveigt undan til vinstri til að reyna að afstýra árækstri. Ökumaður B hefur mótmælt því að B hafi verið ljóslaus. Hann hafi drepið á vél B eftir að hann hafi lagt henni að hluta uppi á umferðareyju eftir árækturinn.

**Álit.**

Ljóst er að árækturinn varð í sömu andrá og M skipti um akrein. Eins og atvikum er háttað hefur M sönnunarbyrði um það að árækturinn megi rekja til þess að B hafi verið ljóslaus. Gegn andmælum ökumanns B hefur sú sönnun ekki tekist. Verður árækturinn alfarið rakinn til þess að M hafi skipt um akrein án þess að ganga nægilega úr skugga um að það hafi verið unnt án hættu fyrir aðra, eins og honum bar samkvæmt 2. mgr. 17. gr. þágildandi umferðarlaga nr. 50/1987. Verður M gefin öll sök á árækstrinum.

**Niðurstaða.**

Leggja ber alla sök á M, ökumann A, bifreiðarinnar A.

Reykjavík, 28. apríl 2020.

Þóra Hallgrímsdóttir lögfr.

Valgeir Pálsson lögfr.

Hildigunnur Hafsteinsdóttir lögfr.